

四庫全書

子部

欽定四庫全書

子部  
御定淵鑑類函卷三十

詳校官宗人府丞臣賈光鼐

主事臣祁韻士覆勘

欽定四庫全書

御定淵鑑類函卷三十

地部 水總載

水總載一

增春秋元命苞曰水之為言演也陰化淖濡流施潛行也故其立字兩人交一以中出者為水一者數之始兩人譬男女言陰陽交物以一起也原易說卦曰坎為水潤萬物者莫潤乎水毛詩曰揚之水不流束薪

尚書曰湯湯洪水方割蕩蕩懷山襄陵浩浩滔天 又

曰人無于水監當于民監 禮記曰水曰清滌 又曰

今夫水一勺之多及其不測黿鼉蛟龍魚鼈生焉貨財

殖焉 左傳曰潢汙行潦之水可薦於鬼神可羞於王

公 穀梁傳曰水北為陽水南為陰 論語曰智者樂

水 又曰子在川上曰逝者如斯夫不舍晝夜 孟子

曰觀於海者難為水遊於聖人之門者難為言 又曰

性猶湍水也決諸東方則東流決諸西方則西流人性

之無分於善不善也猶水之無分於東西也 爾雅曰

水中可居者曰洲

亦曰潭音達旱反

小洲曰渚小渚曰沚

亦曰小沚

曰坻又小沚曰磧

凡水邊皆曰垂曰涯曰畔曰干曰漬曰濱溪

上下坦曰濇

一曰濇

重涯曰岸岸上地曰澚曲涯曰澳

一曰

隈

水草交曰湄裨增水邊土人所止曰滸水曲曰汭水

出山石間曰潏

音宏

石絕水曰梁築土遏水曰塘

一曰隈又曰防

大防曰墳廣澤曰衍澤曲曰皐障曰陂水本曰源深水

曰潭急水曰流沙石上曰瀨

亦曰湍曰瀨曰磧

水別流曰派風

吹水湧曰波

亦曰浪

小波曰淪平波曰瀾直波曰涇水朝

夕而至曰潮風行水成文曰漣水波如錦文曰漪水行

曰涉逆流而上曰汧洄順流而下曰汧游

亦曰浴流

絕流而

渡曰亂以衣涉水曰厲繇膝以下曰揭繇膝以上曰涉

渡水處曰津

亦曰濟

潛行水下曰泳

自水中可居以下並出爾雅釋名說文三

書

水神曰天吳

山海經曰天吳八首十八尾亦曰水伯

大波之神曰陽侯

博物志曰昔陽國侯溺水因為大海之神

濤之神曰靈胥

博物志曰昔吳相伍子胥為吳王夫

差所殺浮之於江其神為濤

尚書大傳曰非水無以準萬里之平非

水無以通遠道之重任也 韓詩外傳曰夫水者緣理

而行不遺小間似有智者動而下之似有禮者蹈深不  
疑似有勇者鄣防而清似知命者歷險致遠似有德者  
天地以成羣物以生國家以寧萬事以平此智者所以  
樂於水也 又曰夏不數浴非愛水也冬不數煬非愛  
火也 增管子曰水者地之血氣如筋脉之通流者也  
故曰水具材也 又曰水者萬物之準也是以無不滿  
無不居也集於天地而藏於萬物產於金石集於諸生

故曰水神 又曰水有大小又有遠近水之出於山而

流入於海者命曰經水水別於他水入於大水及海者

命曰枝水山之溝一有水一無水者命曰谷水水之出

於他水溝流於大水及海者命曰川水出地而不流者

命曰淵水 又曰齊之水道躁而復故其民貪麤而好

勇楚之水淖弱而清故其民輕果而賊越之水濁重而

洎故其民愚疾而垢秦之水甘最而稽淤滯而雜故其

民貪戾罔而好事齊晉之水枯旱而運淤滯而雜故其



民諂諛葆詐巧佞而好利燕之水萃下而弱沈滯而雜  
故其民愚戇而好貞輕疾而易死宋之水輕勁而清故  
其民簡易而好正是以聖人之化世也其解在水治於  
世也其樞在水 原晏子曰景公問廉政何如對曰其  
行水也美哉水乎其濁無不塗其清無不灑 老子曰  
上善若水水善利萬物而不爭處衆人之所惡故幾於  
道 莊子曰水靜則明濁則混水靜猶明而況精神聖  
人之心靜乎 又曰秋水時至百川灌河涯涘之間不

辨牛馬於是河伯欣然自喜以天下之美為盡在已

又曰夫水之積也不厚則其負大舟也無力 墨子曰

古語曰君子不鏡於水而鏡於人鏡於水見面之容鏡

於人則知吉凶 增呂氏春秋曰輕水所多禿與癯人

重水所多種與瞿人甘水所多好與美人辛水所多疽

與瘞人苦水所多尪與偃人 原淮南子云積陰之氣

為水 又曰土地各以類生人是故清水音小濁水音

大湍水人輕遲水人重 增又曰白水宜玉黑水宜砥

青水宜璧赤水宜丹黃水宜金清水宜龜汾水濛濁而  
宜麻濟水通和而宜麥河中水濁而宜菽雒水輕利而  
宜禾渭水多力而宜黍漢水重安而宜竹江水肥仁而  
宜稻 又曰夫光可見而不可握水可循而不可毀

原尸子曰凡水其方折者有玉其圓折者有珠清水有

黃金

淮南子亦  
云詳珠玉

丈子云水之道上天為雨露下地為

江河 又曰混混之水濁可以濯吾足青青之水清可

以濯吾纓

事具離騷云  
滄浪之水

又曰水之性欲清沙石穢之

人之性欲平嗜欲害之

漢書云書稱水曰潤下坎為

水位在北方終藏萬物者也為政令順時陰陽調和終始相成十二月咸得其氣則水得其性此之謂潤下若政令逆時霧水暴出百川流溢壞鄉邑溺居人及淫雨傷稼是為水不潤下 增國史補云凡造物皆由水土故江東宜綾紗紙者鏡水之故也蜀人織錦初成必濯於江水然後文彩煥發鄭人以漿水釀酒近邑水重斤兩與遠郊數倍 南部新書曰天下貢賦惟長安縣貢土

萬年縣貢水 原元中記曰天下之多者水焉浮天載

地高下無不至萬物無不潤 增物論云所以立天地

者水也夫水者天地之本也吐元氣發日月經星辰皆  
由水而興九州之外皆水也 述異記曰漢沔會流處

岸上有石銘云下至水府三十一里皆傳李斯刻石於  
此天下水府一十八處 柳子厚袁家渴記曰楚越之  
間方言謂水之反流者為渴音若衣褐之褐 夢溪筆  
談曰水以漳名洛名者最多今略舉數處趙晉之間有

清漳濁漳當陽有漳水潁上有漳水鄆郡有漳江漳州  
有漳浦亳州有漳水安州有漳水洛中有洛水北地郡  
有洛水此概舉一二耳其詳不能具載予考其義漳謂  
兩物相合有文章且可別也 續述征記曰睢渙二水

波若五色有文章 華陽實錄高安鳴水碧澗飛流空  
谷振響絕頂有石高數丈以物扣之其聲如鼓因以名  
之 方輿記曰蜀青城常道觀其南有六時水以代漏  
刻於陽時即洒然而下陰時即無晝夜凡六時洒水故

名 又曰葛瓚化宮之西巨石之下有丁東水出於岷

腹滴窪石竅中人或汚之立涸 水經注曰桂陽郴縣

萬歲山上悉生靈壽木下即千秋水也水側民居號萬

歲邨 又曰郴縣南湘波邨有圓水廣圓可二百步一

邊煖一邊冷冷處極清綠煖處水白且濁厥名除泉其

猶江乘之半湯泉也 西征記曰伊水上源經新城陸

渾二縣男女無少長皆病癭俗云水土所致伊水不可

飲也 博物記云酒泉延壽縣南有山石出泉水大如

莒蒙注地為溝其水有肥如煮肉洎羹羹如不凝膏燃  
之極明不可食縣人謂之石膝 筆談雜誌云廊延脂  
即延安石油也生於水際沙石土人以雉尾裹之入缶  
中頗似淳漆燃之如麻以為煙墨松脂不及 埤史帝  
王世紀云沁水南歷猗氏又南與鷓鷯水合因以聲稱  
之鷓鷯音彪 秦州紀曰成紀縣有白中水深數尺水旱無

增減故名其地為天水郡 郡國志云湓水昔有人此  
處洗銅盆水暴漲失盆乃投水取盆見一龍銜盆奪之



而去故曰湓水 杜陽編曰滄州山下出澄綠水其水  
流一百步亦謂之流綠渠投之金石終不沉沒 隴右  
記曰武都紫水有泥其色紫而粘貢之用封璽書故詔  
誥有紫泥之說 述征記曰臨淄牛山下有女水齊人  
諺曰世治則女水流世亂則女水竭 又曰泰山郡水  
皆名曰汶汶凡有五曰北汶瀛汶牟汶柴汶浯汶皆源  
別而流同汶陽有田即春秋齊人歸魯以謝過者 寰  
宇記曰豐水在縣西南亦名窮水 漢地理志曰呼蠶

水出南羌中 原湘中記曰湘水至清深五六丈下見

底了了然石子如礫蒲大五色鮮明白沙如雪霜赤岸

如朝霞 增潛確類書曰壻水在漢中府城固縣南相

傳唐公房城固人學仙得道入雲臺山合丹服之白日

升天升仙之日壻行未還約以此川為居言無繁霜蛟

虎之患其俗因號為壻鄉故水亦即名焉 原博物志

曰有八流水出名山渭出鳥鼠漾出嶓冢洛出熊耳潁

出少室汝出燕泉泗出陪尾溜出月台沂出泰山 永

嘉郡記曰有柘林泉

出建安吳興縣

有梧桐水

有兩源一出松陽

有桃

枝水

出東陽長山縣桃林之下

增集仙傳曰九疑之峰各有一水

九江分流其下以注六合周而復始沂上以灌天河上

下流注周於四海九水者一曰銀花水二曰復淑水三

曰巢水四曰許泉水五曰歸水六曰沙水七曰金花水

八曰永安水九曰晉水元史云水至彭湖漸低近琉

球謂之落際際者水趨下不回也凡西岸漁舟到彭湖

遇颶風作漂流落際回者百無一二原山海經曰刺

山有獸焉名曰合窳見則天下大水其上有水焉甚寒而清帝臺之漿水也 增又曰大荒之隅有山而不合名曰不周有寒暑之水 又曰空桑之山有獸曰軫軫其狀如牛而虎文其鳴自呌見則天下大水 又曰崇吾之山有鳥一翼一目相得乃飛其名蠻蠻見則天下大水玉山有鳥其狀如翟而赤名曰𪔐遇見則其國大水 路史云西海島間水如脂而黑他物盛之皆滴漏惟牛角可置南海以媒野象塗少許于樹葉間象拂著

身必遲迴不去崑崙奴亦塗身便乘之而歸若家畜焉  
水總載二

原淮南子曰往古之時四極廢九州裂水浩瀚而不息  
於是女媧積蘆灰以止淫水 左傳曰共工氏以水紀

官故為水師而水名

注共工受命於水

穆天子傳曰天子飲

於潯水之上 增瑞應圖云蒙水瑞水也君乘土而王

其政太平則蒙水出於山焉 瑯嬛記曰西施舉體有

異香每沐浴竟宮人爭取其水積之甕瓮用松灑於帷

幄滿室俱香甕瓮中積久下有濁滓凝結如膏宮人取

以曬乾香踰於水謂之沈水製錦囊盛之水經注曰

沫水自蒙山至南安而溷崖山脉漂疾故害舟船歷代

為患蜀郡太守李冰發卒鑿平崖河神鼎怒冰乃操刀

入水與神鬪遂平溷崖又曰趙人有琴高者善鼓琴

為康王舍人遊碭郡入碭水取龍子謂弟子曰待我於

水傍果乘赤鯉而出又曰蜀有迴復水江神嘗溺殺

人文翁為守祠之勸酒不盡拔劍擊之遂不為害洞

冥記曰甜水去虞淵八十里有甜溪水味如蜜東方朔  
得數斛以獻帝投水於井水嘗甜而寒洗浴則肌理柔  
滑 獨異志云前漢劉子光西征過山渴無水子光在  
山南見一石人問何處有水石人不答乃拔劍斬石人  
須臾窮山水出 汝南先賢傳曰陽安令趙規與朗陵  
太守黃明爭水規割指詛曰隨血所流入陽安界 荆  
州記曰南陽菊水其源徇悉芳菊水極甘馨居民飲此  
水者上壽百二十三十中壽百餘漢司空王暢太傅袁

隗為南陽令縣月送三十餘石太尉胡廣父患風羸飲

此水疾遂瘳 謝承後漢書云沛國陳宣字子興建武十

年雒水出造津城門校尉欲奏塞之宣諫曰昔王尊正

身金堤水退况聖主耶言未絕而水去 原續述征記

曰梁郿城西有籠水云齊孝婦誠感神明湧泉發於室

內潛以績籠覆之繇是無負汲之勞及家人疑之時其

出而搜其室試發此籠而泉遂潰湧流漂居宇故曰籠

水 抱朴子曰左慈以氣禁水水為逆流一二丈禁水



著中庭露之大寒不冰 華陽國志曰朱倉少受學於

蜀郡屑豆飲水以諷誦同業等憐其貧給米肉倉終不

受 搜神記曰漢末零陵太守有女悅門下書佐使婢

取盥手水飲之而有娠既而生子至能行太守抱兒使

求其父兒直上書佐膝書佐推之兒仆地為水 增又

曰漢時永昌郡不韋縣有禁水水有毒氣唯十一月十

二月差可渡自正月至十月逕之無不害人不見其形

其作有聲中木則折中人則害土俗號為鬼彈故郡有

罪人徙之禁防不過十日皆死也 蒲元傳云諸葛孔

明時有蒲元者術鑒同歐冶風胡常為孔明鑄刀劍蜀  
惟江水爽烈是天分其野大金之元精也漢水鈍弱及  
涪水皆不任淬或以涪水雜江水輒能辨之 南史曰

范栢年漢中人嘗謁宋明帝言次及廣州貪泉因問栢  
年卿州中復有此水不答曰臣州中惟有文川武鄉廉  
泉讓水又問卿宅在何處曰廉讓之間帝善其對 南  
齊書曰荊州城內有沙池常漏水蕭穎胄為長史水乃

不漏 方輿勝覽曰八功德水在江寧梁天監中有龍

為胡僧措水俄山湧一沼繼有西僧至云西域八池已

失其一乃知竭彼盈此也八水者一清二冷三香四柔

五甘六淨七不埶八蠲疴自梁以前御用取給焉 原

車頴秦書曰王猛攻鄴慕容評距猛而恒賣水與軍人

衆思為亂猛因得破之 增天中記曰苻堅時長安有

水影遠觀若水視地則見人至堅晚年而止 唐書云

孔若思嘗謂人曰仕至郎中足矣及遷庫部郎乃置一

石止水於座右示止足之意 酉陽雜俎曰唐僧一行

嘗至天台國清寺門有流水間院中僧於庭布算謂其

徒曰今日當有弟子來求吾算法又謂曰門前水合却

西流弟子當至一行承言而入稽首請法盡受其術焉

而門水舊東流今忽改為西流矣 元結水樂記曰元

子於山中尤所耽愛者有水樂水樂是南磬之懸水淙

淙然聞之多美於耳 唐書云汴宋觀察使令狐楚言

亳州聖水出飲者疾輒愈裴度判曰妖由人興水不自

作命在所禁塞 芝田錄云李德裕在中書喜常州惠  
山井泉自毘陵至京置水通有僧詣謁德裕曰為相公  
通常州水脉京師一眼井與惠山寺泉脉相通昊天觀  
常住庫後是也李乃以惠山一甕昊天一甕雜以餘水  
八瓶遣僧辨析僧取惠山寺與昊天餘水乃同味德裕  
大奇之因停其水通 玉泉子曰宣皇在藩時常從駕  
墮馬雪中寒甚因渴求水於巡警者曰我光王也及以  
水進舉杯悉變為芳醪 舊唐書云輔公祐據江東反

命河間王孝恭擊之孝恭自荊州趣九江將發與諸將宴集命取水忽變為血在坐者皆失色孝恭舉止自若徐諭之曰公祐惡積禍盈今承廟算致討益中之血乃公祐授首之後徵遂盡飲而罷時人服其識度而能安衆續仙傳曰張志和酒酣為水戲鋪席於水上獨坐飲酌嘯咏其席來去遲速如刺舟聲河東記云韋浦遇鬼客歸元景云早給事馮六郎於河中浦曰六郎何人歸曰馮六郎名彝即河伯軒轅天子之愛子也浦曰

馮何得第六曰馮水官也水成數六耳 夢溪筆談曰

慶厯中河北大水仁宗憂形於色有走馬承受公事使臣到闕即時召對問河北水災何如使臣對曰懷山襄陵上默然既退即詔閣門今後武臣上殿奏事並須直說不得過為文飾至今閣門有此條遇有合奏事人即預先告示 睽車志云熙寧時王荊公當國有人授泗州盱眙令自陳乞改名雍觀怪問其故云夢中神告如此後之官沒於淮水事聞朝廷荊公云向疑此人無故

改名及閱山海經乃知其為水官之名固慮其有水厄  
後縣僚或夢雍觀鵬從甚盛往來淮岸避暑錄曰蘇  
子美卜居吳下前有積水即吳王僚開以為池者作亭  
其上名曰滄浪雖意取濯纓然似以滄浪為水渺瀰之  
狀若以為地名則失之矣聞見後錄曰王荊公好言  
利有小人諂曰決梁山泊八百里水以為田其利大矣  
荊公喜甚徐曰策固善決水何地可容劉貢父在坐中  
曰自其旁別鑿八百里泊則可容矣荊公笑而止



# 水總載三

原色天

帶地

春秋元命苞曰水者天地之包幕五行之始焉萬物之信由生王彪之水賦

曰水帶地而壤潤月流天而霄炯陸士衡詩曰逝矣經天日悲哉帶地川

流溼

潤下

易曰

水流濕火就燥 尚書五行

習坎

盈科

易曰水洊至習坎君

子以常德行習教事孟子曰水之為物也不盈科不行趙岐曰盈滿也科坎也

至清

滋

濁

湘水至清漚菅者曰何故使吾水滋濁

萬頃

尺波

黃叔度汪汪若

萬頃之波尺波豈徒旋

投石

浮天

運命論以水投石莫之受也下見元中記

川上

隴頭

上見論語歌曰隴頭流水鳴聲幽咽

秋涸

冬凝

禮記曰仲

秋之月水始涸淮南子曰夫水向冬則凝而為冰

原委

灌浸

文子云原泉所出也委泉

所聚也漢書溝洫志云

紀官

隨器

共工氏見前夫水不凝

泉流灌浸所以育五穀

洗耳

濯足

許由事滄浪之水清兮可以濯吾纓滄浪之水濁

滯於物在器必隨其方圓

兮可以濯吾足

竹箭

桃枝

慎子曰西河下龍門其流駛疾於竹箭東陽有桃枝水

滎河

溫洛

尚書中候曰堯即政七十載修壇河洛仲月辛日昧明禮備滎光出河鄭玄注滎光

五色從河水中出

易乾鑿度曰帝盛德之

碧海

應洛水先溫九日乃寒五日變為五色玄黃

絳河

東方朔十洲記曰東有碧海廣狹浩瀚與東海等水不鹹苦正作碧色王子年拾遺記曰絳河去

日南十萬里波如絳色多赤龍赤色魚肥美可食上仙得服之

粉水

錦流

盛宏之荊州記

曰筑陽縣西有粉水巴郡亦有此水取水為粉  
華陽國志曰成都道西城故錦官也錦濯江中則鮮明

八水

三川

戴延之西征記關內八水一涇二渭三瀕  
四澶五滌六潏七灋八瀉  
常昭注河洛

伊曰  
三川

九河

八海

尚書曰九河既道孔安國注曰河  
水分為九道平原以北是也  
關

今內傳曰須彌山東南  
有山曰崑崙在八海內

三江

五湖

尚書曰三江既  
入震澤底定

周禮曰揚州  
之浸曰五湖

增六時

百脉

上見前水一  
縣故城以百泉俱出故

名百  
脉水

千秋

三泖

上見前水一  
城西有圓泖大泖長泖  
松江府

四德

八諫

顏彞子與子華游于東池子華曰水有四德仁義  
勇智趙括之將八諫於軍中而括不從因自刎

水上其水在路  
安八諫山之下

帝漿

聖水

上見前水一  
德裕鎮浙西浮屠說言  
唐傳李

聖水惑人德裕命市中置釜取水煮豬肉曰

龍吟

雞浴

肇慶府開建縣有唐壯元莫宣卿讀書堂水流清響人呼為龍吟水廉州府石康縣有金雞水相

傳金雞浴于此

酒澠

藻渙

左傳有酒如澠陳琳云遊睢渙者學藻績之綠

狀

吉

象巴

吉水狀若吉字三巴水象巴字

修仁

旌信

曲江有修仁水齊范雲為

太守酌而賦曰且飲修仁水劉孝標絕交論指白水而旌信

舞渝

卜篆

渝水出巴縣皆

實人善舞漢高詔樂府習之世稱巴渝舞篆水在四川廣安州其年豐水紋宛成篆籀土人以此歲

流桑

承瓠

九江口有桑落洲昔江水漲流一桑樹於此瀾水盛以金鉞器皆漏惟鉢葉不漏

見博物志

止淫

流恨

上見水二杜詩第五橋東流恨水

民狎

人輕

上見左傳 湍水  
人輕見前水一

原利萬物 成百事

上見老子  
丈子曰水之

道也大不可極深不可測萬  
物不得不生百事不得不成

君子觀

小人溺

孫卿曰

孔子觀於東流之水子貢問曰君子見大水必觀焉何  
也孔子曰夫水徧與諸生而無為也似德其流也卑下  
倨句必循其理似義浩浩乎不居似有道其延萬仞之  
谷不懼似勇主量必平似法盈不求槩似正綽約微達  
似察以出以入就潔似善發源必東似志是以君子見  
大水必觀焉 禮記曰小人溺於水君子溺於口夫水  
近於人而 增彰五色 替八珍 禮記水無當於五色  
易以溺人

曾極詠鍾山八功德水

波負娘

浪妬女

山東魚臺  
有谷亭水

曰數斛供廚替八珍

其波洶湧昔有孝子負母以渡名曰負娘河 山西平  
定州有澤發水婦人靚妝過此必發波浪故又名妬女

澡孝水

酌貪泉

潘岳西征賦澡孝水而濯纓水在河南王勃滕王閣序酌貪泉而

覺爽

飲上池

釀下箸

史記長桑君出懷中藥與扁鵲飲以上池之水白樂天詩勞

將下箸忘憂物寄與江城愛酒翁下箸溪水釀酒最美在湖州

易牙嘗

德裕辨

滷

之水易牙嘗而知之李德裕命取中冷水飲而笑曰頗似建業城下水

原積成江海

上為雨露

桓寬鹽鐵論曰水積而成江海行積而成君子下詳水一

臭過椒蘭

利穿金石

列子曰禹治水土迷之一國無風雨霧露不生鳥獸山名壺嶺頂有口若圓環名曰

滋穴有水湧出名曰神漢臭過椒蘭味過醪醴淮南子曰水之為物擊之無創射之不傷斬之不斷焚之不

然利穿金石功濟天下

浮天載地

懷山襄陵

並詳水一

清濟濁

河 元灞素澹

袁宏北征賦曰於是截文波汎清濟劉劭趙都賦曰其南也則有洪川巨瀆黃

水濁河

潘岳西征賦曰北

有清渭濁涇西有元灞素澹

竊壤以堙 積灰而止

山海經曰洪水滔天鯀竊帝

親而不尊 狎而不翫

之息壤堙洪水 下詳水二

禮記曰水之於人也親而不尊 左傳鄭子產

至柔

之性 善利之功 增方玉圓珠

浮金沈羽

上見前水一

杜陽編云滄州山下有澄綠水投金石不沒

廣志弱水在夫餘北其流不能勝一毛羽

祕省極

佳 濠梁最樂

茶錄唐祕省中有水極佳號祕水 鳳陽臨淮縣有石絕水名濠梁是莊子觀

魚樂處

汀南關西 貢東章北

水皆東流惟汀水南流入海南丁位也以水合

丁於文為汀漢張騫言于闐水皆西流注西海  
貢水在郡城東北章水在西北此二水合為贛水

誰

把相思

可憐無定

鄜州東有相思水唐令狐楚題壁  
曰誰把相思號此河塞垣車馬往

來多

圓水在安塞縣一名無定河唐

梅鎔封侯

詩可憐無定河邊骨猶是深閨夢裏人

龍澄獲印

封侯水源在南康以梅鎔列營水濱封侯故  
名蜀人龍澄嘗于灤中探得玉印有神曰

上帝授禹治水水治後藏大川可

尊請身填 慈能

亟投元處澄如其言後登上第

氣禁

漢書王尊為河東守河水泛溢尊祭水請以身填  
金隄水勢稍退魏左慈能以氣禁水詳水二

畫扇投席

出白覆籠

吳猛遇至人授神方以羽扇  
畫水而渡投席事見前水二

伊尹母夢神告曰曰出水而東

走明日果然覆籠事見前水二

李冰壓怪

王商



止訛

秦李冰為蜀守以岷江為四瀆之首水時為患乃作三石牛以壓水怪 漢建始中訛言大水至王

商獨不信

子瞻符取

鴻漸杓揚

蘇軾愛玉女洞水破竹為符使寺僧藏其一以

為往來之信謂之調水符

唐李季卿遇陸鴻漸取

南冷水試茶陸以杓揚水曰江則江矣非南冷者

時平乃清

風起輒動

吳俶水賦新豐則時平乃清臨淄則世亂而竭 吳孫權至湓

城自標井地掘得漢潁陽侯灌嬰故井遇江中風浪起此井水輒動

原冠五行之始

居六府之先

洪範五行一曰水六府水火金木土穀

融而為川瀆

流

而為江海

通為川塞為淵

氣之導水之鍾

李蕭遠云水通

之斯為川塞之斯為淵 國語云古之長民者不防川不實澤川氣之導也澤水之鍾也

# 水總載四

增象罔得珠

黃帝遊於赤水北登崑崙之丘遺其玄珠使督索之而勿得離朱索之而勿得紫溝

索之而不得也乃使象罔得之黃帝曰象罔乃可以得珠乎哉

原朝宗

汙彼流水朝宗于海行

險

易曰行險而不失其信

澹

禮記君子之交澹如水小人之交甘如醴君子澹以成小人甘以壞

明水

司烜氏取明水于月

禁川游

周禮禁川游備溺也

禁沈澤

雍氏禁沈澤謂

毒水  
盞也

飲

論語飯蔬食飲水

增楚望

左傳江漢沮漳楚之望也

臺駘障

澤

左傳金天氏有裔子昧為玄冥師生允格臺駘臺駘能世其官宣汾洮障大澤帝用嘉之封諸汾川

原流惡

左傳有汾澮以流其惡

沈氣

國語水無沈氣

止水

莊子人莫監於流水

當監於止水

急

莊子曰呂梁之險懸水三千仞流沫三千里魚鼈不能進急之甚也

增萬

折必東

荀子夫水其萬折也必東

原成淵

孫卿子曰積水成淵吞舟之魚生焉

增

康浪白石

寧戚歌康浪之水白石粲中有鯉魚長尺半

解裘涉溜者

戰國策曰

田單為齊相過溜水有老人涉溜不能行坐沙中單乃解裘於溜水之上

懸釜

韓魏圍晉陽決晉水

以灌之城巢居懸釜而炊

巢樹

後漢書注云光武六年大雨連月苗稼更生鼠巢樹上

原感

姜詩至孝有泉化出味如江水以養其母

綠波

文選春水綠波

增橫塘查

下

晉都建業沿秦淮築堤謂之橫塘吳都賦所謂橫塘查下樓臺之盛天下莫比

地鏡

宋文帝元

嘉二十五年青州城南遠望見地中如水有影謂之地鏡

水牒

謝莊詩山經亟旋覽水牒倦數尋

絹一疋水二石

慕容評距王猛賣水與軍人因此衆亂見水二

投金瀨

唐孟郊調

溧陽尉縣有投金瀨郊

東西瀨

杜詩瀨東瀨西一萬家

七種

日坐水傍徘徊賦詩

水說

陸龜蒙張又新為水說七種如其二惠山泉三虎丘井云云

洪州瀑第八

宋歐

陽修論水以洪

青衣江畔

青衣水在眉州青神縣蘇軾詩想見青衣江畔路白

州瀑布為第八

魚紫筍不論錢

清湘欸乃聲

長沙志涉千里聞漁父吟如相和其聲清遠所謂汲清相燃楚

竹欸乃一聲

辰酉二水

俱在辰州府沅陵縣圖經云以方位而名也

原

山川動色

湧

潛盧竭谷無以盈將恐竭

增神水

金門歲節記午日午時有雨則急斫一竿竹竹

節中必有神水澄取

敷水長水石

間見後錄曰鸛鵒能敷水故水宿物

以撥肝為丸治疾

莫能害鵝有長水石故  
能巢中畜魚水不涸也

### 水總載五

原詩梁孝元帝登隄望水詩曰驅馬河隄上非謂城隅  
遊懷山殊未已徒然勞九愁旅泊依邨樹江槎擁戍樓  
高岸翻成浦曲港反通舟棗野良知歎瓠河今可傳願  
假宣尼術泗水却橫流 梁劉孝綽太子泐落日望水  
詩曰川平落日迴落照滿川張復在淪波地派別引沮  
漳耿耿流長脉熠熠動輕光寒鳥逐槎汎驚鵝拂浪翔

臨流自多美況此還故鄉榜人夜理楫櫂女閨成裝欲

待春江曙爭塗向洛陽後梁沈君攸賦得臨水詩曰

開筵臨桂水攜手望桃源花落圓文出風急細流翻光  
浮動岸影浪息累沙痕滄波自可悅濯纓何用論陳

釋慧標詠水詩曰曾添疎勒井經涌貳師營玉津花色

亮銀溪錦磧明舟如空裏汎人似鏡中行持將符上善

利得動高情祖孫登詠水詩曰驪泉紫闕映珠浦碧

沙沈岸潤蓮香遠池清雲影深風潭如拂鏡山溜似調

琴請君看皎潔知有澹然心 又蓮調詩曰長川照落

日深浦漾清風弱柳垂江翠新蓮夾岸紅船行疑泛迥  
月映似沈空願逐琴高戲乘魚入浪中 隋李巨仁賦

得方塘含白水詩曰白水溢方塘淼淼素波揚疊浪搖  
鳬影漣漪寫雁行長堤柳色翠夾岸行花黃觀魚自有  
樂何必在濠梁 孔德紹王澤嶺遭洪水詩曰地籟風  
聲急天津雲色愁悠然百川滿俄爾萬頃浮還似金堤  
溢翻如碧海流驚濤遙起鷺迴岸不分牛徒知懷趙景

終是倦陽侯木梗誠無託蘆灰豈暇求思得乘槎便蕭  
然河漢遊 張文琮詠水詩曰標名資上善流派表靈

長地圖羅四瀆天文載五潢方流含玉潤圓折動珠光  
獨有蒙園吏棲偃玩濠梁 增唐張九齡湖口望廬山

瀑布水詩曰萬丈紅泉落迢迢半紫氛奔流下雜樹灑  
落出重雲日照虹霓似天清風雨聞靈山多秀色空水  
共氤氲 唐儲光義詠山泉詩曰山中有流水借問不  
知名映地為天色飛空作雨聲轉來深澗滿分出小池



平恬澹無人見年年長自清 唐杜甫春水詩曰三月

桃花浪江流復舊痕朝來沒沙岸碧色動柴門接縷垂  
芳餌連筒灌小園已添無數鳥爭浴便相喧 唐司空

曙望水詩曰高原晴見水楚色諳相和野極空如雪天  
遙不辨波永無人跡到獨有鳥聲過況在蒼茫外殘陽

照更多 唐薛逢大水詩曰暴雨隨驚雷從風忽驟來

浪驅三島至江拆二儀開勢恐圓樞折聲疑厚軸摧冥  
心問元化天眼幾時回 唐馬戴遠水詩曰蕩漾空沙

際虛明入遠天秋光照不極鳥影去無邊勢引長雲斷  
波凝片雪連汀洲杳難到萬古覆蒼煙 唐鄭谷西蜀

淨衆寺題水詩曰竹院松廊分數派不空清泚亦逶迤  
落花相逐向何處幽鳥獨來無限時洗鉢老僧臨岸久  
釣魚閒客卷綸遲晚晴一片連莎綠悔與滄浪舊有期  
唐羅鄴流水詩曰漾漾悠悠幾派分中浮短艇與鷗  
羣天街帶雨含芳草玉洞飄花下白雲靜稱一竿持處  
見忽愁孤館覺來聞隋家柳畔偏堪恨東渡長淮日又

曠 宋謝翱觀水詩曰積陰生壑雨野水學江流對屋

見燈火相望南渡頭浮槎到高樹白黿起滄洲變怪若  
不測神功安能尤稍退見涯涘及來痕沫收崩濤出白  
石隱隱如博投水楊洗荒根素髮生古愁見此倏若化  
故流還膠舟荒源不可詰欲盡山雲求 宋張耒連水  
詩曰孤舟逆水上野靜聞水聲鷗飛不遠水寒浪濺霜  
翎夜氣岸兼木夕光潭照星長吟弄雙槳知有魚龍驚  
又泊舟候水詩曰一水悠悠斷復連卸帆終日小灘

前青旂招飲篙工醉五兩款風賈客眠樹色遠分芳草  
路鳥行斜斷夕陽天漁舟慣伴危檣宿饋我霜鱗不用

錢 宋王禹偁別丹水詩曰曾經瀾漫濯吾纓忍別潺

湲月夜聲便入紅塵染詩思吟魂猶合數年清 宋范

成大漸水詩曰黃河日夜向南風道出封丘處處逢紫

蓋黃旗在湖海故應河伯欲朝宗 明高啓隴頭水詩

曰人間何處無流水偏到隴頭愁入耳夜雜羌歌明月

中秋驚漢夢空山裏隴坂崎嶇九迴折聲隨到處長鳴

咽欲照愁顏畏水渾前軍曾洗金創血回頭千里是長  
安征人淚枯流不乾 明李東陽橫塘春水詩曰君家  
住在橫塘北長見洲邊春水生窈窕斜通山澗曲分明  
直與釣磯平比隣鶯鴨應無數近渚鳬鷺亦有情明日  
看花到南岸小舟搖蕩不須撐

原賦魏文帝臨渦賦曰建安八年經東國遵渦水相佯  
乎樹下駐馬舒鞭作臨渦之賦曰陰高樹兮臨曲渦微  
風起兮水增波魚頤頤兮鳥逶迤雌雄鳴兮聲相和萍

藻生兮散莖柯春水繁兮發丹華 晉左九嬪涪漚賦

曰覽庶類之肇化何涪漚之獨靈稟陰精以運景因落  
雨而結形不係根於獨立故假物以資生體珠光之皎  
皎若凝霜之初成色鮮熠以熒熒似融露之將溽亡不  
長消存不久寄其成不欲難其敗亦以易也 東晉王

彪之水賦曰寂閑居以遠詠託上善以寄言誠有無而  
大觀鑒希微於清泉泉清恬以夷澹體居有而用元渾  
無心以動寂不凝滯於方圓湛幽邃以納汙泯虛柔以

勝堅或溶浪於無外或纖入於無間故能委輸而作四海決導而流百川承液而生雲雨涌凝而為甘泉 增  
唐梁洽水德賦曰大哉乎茲水獨靈長以利貞分位象於八卦得柔謙於五行混之不濁流之不盈蓄恬澹以凝潤含虛無而洞清其近窺也若冰鮮而玉潔映曙空而內澈其遙視也如雨罷而日晶澄遠氣於初晴德之深與上善而均美讓之大居下流而不爭處地為泉源江漢朝宗之義立在天為霧露陰陽燮理之功成辨涇

渭於九流雖衆不雜察虫妍於萬象在隱皆明 又水  
彰五色賦曰原夫被物如濡霑顏載渥狀暮山而翠疊  
法朝景而霞駁遠同墨氏類素絲之屢遷尚想蜀江嘉  
貝錦之斯濯飾袞衣而煥爛成繡服之歲蕤何采章之  
不昧由浸潤之所資漸以化成能令素以為絢期於敷  
演孰謂湮而不緇不假濯於滄浪寧同資於碧海凝瑞  
霞之炫燿發慶雲之光彩寫補天之績鍊石之資必該  
圖應聖之祥威鳳之儀咸在 呂溫鑒止水賦曰若乃



迴塘月皎高岸環合泥滓湛而自沈金沙烟其不雜同  
道德以虛而受異川澤唯汙是納有斐君子此焉明徵  
氣隨浪息心與源澄端形赴影如木從繩其表微也挂  
金鏡而當書其索隱也隔玉壺而見冰爾其色必洞澈  
光無滉漾不蒸蔚鬱之氣不激潺湲之響百丈在目千  
仞指掌惡每自乎中見美實非乎外獎鑒形之始方似  
以身觀身得意之間乃同求象忘象觀其下列星漢上  
披煙雲守其常而性將道合居其所而物以羣分君鑒

之以平心臨下必簡臣鑒之以勵節在邦必聞妍媸無  
形兮惟人所召物我兼進兮水無不照廉士以之洗心  
至人以之觀妙 劉清止水賦曰若乃湖稱青草澤若  
雲夢淺深潏潏表裏寒洞當朱陽之夏晚遇白露之秋  
仲紫闕之鴻鴈飛來綠浦之蓮舟風送既能止而利物  
所以歸之者衆亦有鳳凰之沼明月之潭每澄流於庭  
院常下注於東南蒙寮窠之玩洽渾琴酌而相參以遊  
以賞如液如涵若英賢之取則類貞咸之是湛屈夫玉

宇初晴風颺載寢籠碧天而似鏡展紅霞而若錦納衆  
影而不遺比羣情而特甚用使至人觀之而心察智者  
樂之而情審達士愛而欲臨高節聞而願飲 楊炯浮  
漚賦曰若乃空濛采褰浩汗浮天流平舊沼派溢新泉  
分容對出吐映均鮮觸流萍而欲散礙浮芥而還連光  
陵虛而半動影倒水而分圓始參差而別趣終宛轉以  
同浴歷亂踟躕漂沸縈紆細而察之若美人臨鏡開寶  
靨大而望也若馮夷剖蚌列明珠逐風波而澹泊乃變

化而須臾迹均顯晦妙合虛無同至人之體道亦隨時而不拘 錢起尺波賦曰激豔駭水淪淪始波引分寸之餘風從一勺激尋常之內無爽盈科勢將全湧迹異盤渦蹙跬步以無數蕩分陰而自多觀其日色遙臨風生未已圓規可驗疑沈壁之舊痕前後相伴若浮書而競起跡疊相近萍縈有餘促漣漪之散漫擁跳沫以虛徐流脉中移類蜩影求伸之際浮光上透若雪華呈瑞之初

原贊晉顧愷之水贊曰湛湛若凝開神以質乘風擅瀾

妙齊得一 晉庾肅之水贊曰湛湛涵淥清瀾澄濬妙

質柔明雲深液潤 晉殷仲堪水贊曰大象無形氣以

分麤澹澹中津質有雖虛清瀾可瀨明激弗渝孰能懷


之汎然靡拘 晉孔寧子水贊曰澄鑒無虛積之成川

湍飛瑩谷激石冷然 晉郭璞釋水贊曰川瀆綺錯渙

瀾流帶潛潤旁通經縈華外殊出同歸混之東會 又

弱水贊曰弱出崑山鴻毛是沈北淪流沙南映火林惟

水之奇莫測其深 戴逵水贊曰水德淡中泉元內鏡  
至柔好卑和協道性止鑒標貴上善興詠爰有幽人擁  
輪來映



御定淵鑑類函卷三十

欽定四庫全書

子部  
御定淵鑑類函卷三十一

詳校官宗人府府丞臣寶光

主事臣祁韻士覆勘

總校官檢討臣何思鈞

校對官修撰臣吳錫齡

謄錄監生臣章玉植

欽定四庫全書

御定淵鑑類函卷三十一

地部九

泉  
溫泉

泉一

原爾雅曰泉一見一石為灋濫泉正出正出湧出也沃泉懸出懸下出也沕泉仄出仄出旁出也又曰水源曰泉泉所出同所歸異曰肥異出同流曰瀦周易曰山下出泉又曰井冽寒泉毛詩曰有渰者泉增



又曰我思肥泉 原禮記曰天不愛其道地不愛其寶  
人不愛其情是以地出醴泉 增齊記曰齊地泉中或  
出瓦上有天齊字晏子曰吾聞江深五里海深十里此  
泉乃與天齊也 漢書云赤雁歌象載瑜白集西食甘  
露飲榮泉注榮泉言泉有光華 原應劭漢官儀曰酒  
泉城下有金泉泉味如酒故曰酒泉 增三輔舊事曰  
昔有犢失母哀鳴甚苦地為發泉因名鳴犢泉今天旱  
祭之降雨在馮翊 原白虎通曰醴泉者美泉也狀如

醴酒可以養老 十洲記曰瀛洲有玉膏山出泉如酒

味名為玉酒 淮南子曰崑崙四水者帝之神泉以和

百藥以潤萬物 增抱朴子曰崑崙及蓬萊其上鳥獸

飲玉泉皆長生不死 輿地記云諸葛泉在鶴慶府南

武侯駐師之地出泉均為二流昔人有欲兼利之者引

而為一至雞鳴其水復分 寰宇記曰潯陽縣落星山

澗有五松橋昔惠遠法師與殷仲堪席間談易於此而

樹下泉湧號聰明泉 謝靈運山居賦曰飄丹砂於紅

泉又題華子岡銅陵映碧澗石磴瀉紅泉 宋孝武赦

詔曰思散太極之泉以福無方之外 原宣城記曰臨

城縣南四十里有蓋山百許步有舒姑泉昔有舒女與  
其父析薪於此泉女因坐牽挽不動乃還告家比還唯  
見清泉湛然女母曰吾女好音樂乃作絃歌泉涌洄流  
有朱鯉一雙今人作樂嬉戲泉故湧出 增湘山野錄

曰齊州城西有金線泉池心南北有金線一道微起水  
面或以杖亂之線輒不見水止如故 潯陽記曰雞籠

山下朝夕有泉溢出如潮水時刻不差號為潮泉 原

盛弘之荊州記曰夷道縣句將山下有三泉傳云本無  
此泉居者苦遠汲人人多賣水與之有一女子孤貧繼  
縷無以貿易有一乞人衣麤貌醜瘡痍竟體邨人見之  
無不穢惡唯女子獨加哀矜割飯飴之乞人食畢曰我  
感姬行善欲思相報為何所須女答曰何恩可報且今  
所須之物非君能得固問所須女子曰正願此山下有  
水可汲乞人乃取腰間書刀刺山下三處即飛泉湧出

因便辭去忽然不見 增西吳記曰金沙泉在顧渚山

碧泉湧沙粲如金星唐學士毛文錫有記唐貢泉用二

銀瓶 張君房脞說曰湖州長興縣啄木嶺金沙泉每

歲造茶之所居常無水湖常二郡守至境具牲祭泉其  
夕清溢造御茶畢其水即微減太守造畢即涸 桑喬

山疏云谷廉泉在康王谷中王元之序云泉為石崖所

束班布如瓊簾懸注三百五十丈 唐陸羽品泉以廬

山谷簾泉為第一慧山泉居第二 水記云劉伯芻以

揚子江水為第一李秀卿以揚子江南零水為第七

又曰濟南名泉七十二以趵突為上

趵音  
約

原廣志曰

新城縣有冷泉泉冷如冰在湖縣有鹽泉煮則為鹽有

醴泉用之愈疾 增夢溪筆談曰信州鉛山縣有苦泉

流以為澗挹其水熬之則成膽礬烹膽礬則成銅水能

為銅物之變化 桂海虞衡志云古辣泉乃賓橫間民

以墟中泉釀酒既熟不煮但埋土中日足取出色淺紅

味甘而致遠暴日中而不壞 酉陽雜俎曰珠崖一州

其地無泉民不作井皆仰樹汁為用 地理志曰西受  
降城北三百里有鵲鵲泉 又曰坊州中部州郭無水  
東北七里有上善泉 原括地圖曰負丘之山上有赤  
泉飲之不老神宮有英泉飲之眠三百歲乃覺不知死  
增又曰凡天下之泉三億三萬三千五百一十有九  
其在遐荒絕域殆不得而知

泉二

增三輔舊事曰姜泉在岐山縣鄜道元注水經云炎帝

長於姜水即此 遁甲開山圖榮氏解曰女狄暮沒石

紐山下泉水中得月精如雞子愛而含之不覺而吞遂

有娠十四月生夏禹 原呂氏春秋曰太公釣於滋泉

論語撰考識曰水名盜泉仲尼不漱 增荊州記曰

城東北三百步有孔子泉其水甘馨雖帝漿無以過也

酉陽雜俎曰華不注泉齊頃公取水處方圓百餘步

北齊時有人以繩千尺沈石試之不窮 春秋定公元

年晉魏獻子合諸侯之大夫于翟泉將以城成周 漢



志曰漢高帝入彭城為楚所困漢兵渴乏帝以劍插地

拔即泉涌出至今水不溢旱不枯土人呼為龍湫 金

周義記曰韓信將下趙聞陳餘不用李左車之計引兵

出井陘口師患無井筮之得蒙知山下有泉遣胡將索

之見二白鹿觸地有泉湧出后人於泉左立胡王祠祀

之 梁州異物志云漢貳師將軍李廣利伐大宛還士

衆渴乏廣乃引佩刀刺山飛泉湧出三軍賴以獲濟

原東觀漢記曰耿恭為校尉居疎勒匈奴來攻城中穿

井十五丈無水恭曰聞貳師將軍拔佩刀刺

一作刺

山而

飛泉出今漢德神靈豈有窮乎乃正衣冠向井拜有頃井泉噴出又曰光武中元元年上幸長安祠長陵還

洛陽宮是時醴泉出於京師郡國有醴泉者痼疾皆愈

獨眇蹇者不瘥增水經注曰若耶溪東有寒溪溪北

有鄭公泉泉深數丈冬溫夏涼漢太尉鄭公弘宿居潭

側因以名泉原晉安帝紀曰吳隱之性廉為廣州刺

史界有一水謂之貪泉古老云飲此水者廉士皆貪隱

之始踐境先至水所酌而飲之因賦詩以言志曰若使  
夷齊飲終當不易心清操逾厲 增宋書曰王彭盱眙  
人少喪母元嘉初父又亡家貧力弱營葬鄉人助作甌  
甌須得水天旱穿井數十丈無水一旦甌竈前忽生泉  
用之事畢復竭助者嗟歎元嘉中改其里為通靈里

隋書曰豆盧勣隋初拜渭州刺史甚有惠政烏鼠山俗  
呼為高武隴絕壁千尋由來乏水諸羗苦之勣馬足所  
踐忽飛泉湧出百姓因號其泉曰玉漿 唐孝友傳曰

宋思禮蕭縣主簿會大旱井池涸母羸疾非泉水不適口

思禮憂懼具禱忽有泉出諸庭味甘寒日不乏汲縣人

異之 玉海曰雍熙二年五月癸酉鳳翔府言岐山縣

周公廟有泉忽湧出者舊相傳時平則流世亂則竭唐

安史之亂竭至大中年復流號德潤泉自後又涸今忽

又湧澄甘異常因圖之以進晏殊為贊曰隱顯以時靈

符孔彰 輿地記曰范仲淹知青州有惠政溪側忽湧

醴泉遂以范公名之今醫家汲此丸藥號青州白丸子

滁通判呂元中記曰歐陽公既得釀泉一日會客有

以新茶獻者公敕汲泉淪之汲者道仆覆水偽汲他泉

代公知其非釀泉詰之乃得一泉於幽谷山下因名豐

樂泉輿地記曰惠通泉在瓊州府城東三山庵之下

蘇軾過此品泉曰味類惠山因名又曰澹庵泉在臨

高縣宋胡澹庵謫崖時過此遇旱覓得之泉甘且冽

又曰宋元符間鄒浩謫居平樂所居嶺下忽有泉湧出

因名感應銘之曰有穹其山有澄其淵動惟厥時以出

斯泉沛然莫遏其源我感我應其來自天及將北歸數  
日泉乃涸 一統志云度軍泉在揚州府如臯治西地名  
聖井欄泉雖淺而不竭擊其欄則大溢出昔岳飛經略  
通泰領兵過此數千人飲之泉亦如故因名為度軍井  
元淮南王聞其異取欄置庭中 明初金華宋濂敘錢  
塘虎跑泉云唐元和十四年性空大師栖禪其中尋以  
無水將他之忽神人跪告云自師駐錫我等徼惠奈何  
棄去南岳有童子泉當遣二童移來翼日乃見二虎跑

山出泉甘冽勝常師因留乃建寺于此客欲觀泉者僧  
為舉梵唄泉即感沸而出若聯珠然

泉三

原莫浚

載清

詩莫浚匪泉  
彼泉水載濁載清

又相

藏珠

漱玉

藏珠

於泉  
文選  
飛泉漱鳴玉

穿石

流淇

太山之溜穿石  
必彼泉水亦流于淇

蟬

躍馬踐

文選黑蛟躍重  
泉下見泉二

吐溜

湧湍

文選泉涓涓  
而吐溜又

湧湍於  
石澗

增龍迴

鳳躍

蘭州龍泉其文迴作蛟龍狀  
鄱縣鳳泉人取療疾泉躍

時清則愈  
濁無驗

鹿觸

虎跑

並見  
泉二

霹靂

參斗

大庾嶺  
有霹靂

泉因禱致雷雨泉湧於竇  
州有參斗泉相傳參斗二星下臨

明月白雲

吳洞

庭山縹緲峰下有泉唐天祐中刺史曹珪以明月  
名之白雲泉在吳縣天平山白樂天題絕句

白

道紅泥

水經注長城白道嶺土穴出泉即古詩飲馬  
長城窟處臨洮府蘭縣有紅泥泉出臯蘭

山之

谷簾

石白

谷簾泉在南康府詳見前  
施州石白溪傍有泉其源有七

圖經

君子老翁

宋孟震亨為黃州通判時稱君子庭有  
泉東坡因名之黃庭堅詩雲夢澤邊君

子泉水無名字托人賢  
蘇明允嘉祐集云月夜見一  
老翁偃息泉上就之則隱入于泉因斲石建亭而為老

翁泉

一人七賢

金陵鍾山有泉僅容一杓挹之不  
竭王安石詩蹇淺一人泉  
輝縣

山陽西社有七賢  
泉指竹林七賢也

喜客惠民

滁州側菱山有泉客  
至撫掌泉即湧出故



名喜客 漳州府城  
北門外有泉名惠民

刺山

拜井

並見泉二

隱劍

捌

槍

蜀五丁開山有劍隱在路旁忽生一泉遂名隱劍  
捌槍泉在澄城光武北征時捌槍得泉於此

菩薩

羅漢

東坡序寒溪西山寺有泉白而甘號菩薩  
瑞州五峰山上有羅漢像橫卧泉傍

故名 撫掌 定心

撫掌見前喜客泉注 定心泉在粵  
東清遠先是三藏法師以乏泉為慮

忽見老人指石曰但定其  
心何慮無泉因鑿石得水

卓錫

投金

唐僧盧能自  
黃梅縣傳衣

鉢往曹溪五百僧追奪之至大庾嶺渴甚能以錫卓石  
泉湧清甘衆駭而退遂名卓錫泉 滄州久視山下出

澄綠泉投之金  
石終不沉沒

跳五眼

發百脉

漢志蘭州五泉水  
在臯蘭山下泉有

五眼躍湧 宋曾鞏云歷下諸泉皆岱陰  
伏流所發西則趵突為魁東則百脉為魁

判雌雄

別男女

夔州多喜山有雌雄泉春夏左盈右竭秋冬左竭右盈  
梧州陸川縣有泉二左男泉右女泉

性溫冷

味甘酸

江乘縣有泉半冷半溫又郴州永興縣有圓泉冷處極清溫處極濁

雋都東紫陽觀內一泉間日甘酸甘日沒以醞酒至美

杜康釀酒

陸羽試茶

杜康泉在歷城舜祠廡下泉一升重二十三銖相傳杜康釀酒于此  
景陵縣西北有文學泉陸羽以此試茶

常懷十九

近銘六一

泉在鞏昌府成縣杜詩近接西南地常懷十九泉  
歐陽

文忠自號六一居士杭州詩僧惠勤受知于公後公與僧俱逝勤弟子畫六一公像并勤像而祀之有泉出講堂下東坡守杭遂本勤意  
名曰六一泉因為之銘

穿巖越壑

落石縈莎

詩史

唐宣宗微時以武宗忌遊迹為僧與黃檗禪師同觀瀑布泉師一聯云穿巖越壑不辭勞到底方知出處高宣

宗續曰溪澗豈能留得住終歸大海作波濤 王介甫  
水簾泉詩淙淙淙萬音落石巔鄭谷石門山泉詩一脈清

冷何所之縈莎

漱蘚入僧池

# 泉四

原動

禮冬至後五日水泉動

湧

王者德及地則醴泉湧

臙沸

詩臙沸檻泉臙沸泉

出貌

浸穫薪

有冽汎泉無浸穫薪

浸苞稂

冽彼下泉浸彼苞稂

增滌源

書九川

汎濫

小泉也

原濫觴

家語江出岷山其源可以濫觴

飲辭

山中人兮芳杜若飲石泉兮蔭松栢

玉酒

十洲記

挹

謝靈運詩政石挹飛泉

冽清

元泉冽

湧溜

石泉湧溜於陰渠天台山賦

傷玉趾

寒泉傷玉趾

吸

清文選

微液

吸飛泉之微液

增虞泉

日薄於虞泉是謂黃昏

三泉

漢書始皇墓錮三泉

言其深也

原醴泉

美泉也水之精也崑崙山有醴泉華池君乘土而王其政太平則醴泉出湧乘

水而王其政和平則醴泉湧神靈滋液百珍寶用則醴泉出黃帝時以醴泉為漿堯之世德茂清平則醴泉出

夏后之時俊又在官醴泉出漢宣帝三年醴泉流滂枯槁榮茂

增流寶盃

江州有寶盃泉徐陵

文泉流寶盃遙憶湓城

原玉漿

見前泉二

增開玉峽

劈開雙玉峽飛出白玉龍

池開半月泉

西漢叢語曰李仲題法華山天衣寺詩殿湧全身塔池開半月泉此泉隱於巖

下雖月圓池上止見其半

太白浣筆

泉在濟寧州東門外舊傳太白浣筆處

天澤

韓愈燕喜亭記泉之源曰天澤之泉出高而施下也

原白泉

瑞應圖曰泉色白自出山澤得禮制

則澤谷之白泉出  
飲之使人長壽

### 增紫泉

紫泉漱珠  
液唐詩

### 丹泉

餘杭大  
滌山有

丹泉其源自天柱而下殷殷若雷聲至大滌洞西乃出  
有方池潄焉天宇清明則有赤光四旁苔蘚皆紫暈

### 碧泉

湘潭西南有碧泉唐天寶中泉忽湧出色如  
拖藍投物其色皆碧宋胡安國建碧泉書院

### 黑泉

在灣甸禦彝州水漲時飛鳥  
過輒墜以拭盤盂人食立死

### 五色泉

江西新昌  
縣淨慧院

有泉五色

### 石泉榆火一時新

東坡記略僕在黃州夢  
與參寥子賦詩有寒食

取酌鮮瑩

清明都過了石泉榆火一時新之句後七年守錢塘而  
參寥子卜居智果院有泉甘冷宜茶寒食之明日自孤

山謁參寥汲泉鑽火烹之而所  
夢兆于七年之前因名參寥泉

### 蝦蟇墜筆

荊州松  
滋縣南

苦竹寺有竹泉宋至和初有僧浚井得一筆後黃庭堅  
謫黔過此視筆曰此吾蝦蟇墜所墜也因知此泉與蝦

墓培  
相通

# 題東西楹

衡州府北甘泉寺有萊公泉當寇之南遷也題於東楹曰平仲酌泉經此

回望北闕黯然而去未幾丁謂過此題於西楹曰謂至酌泉禮佛而去

# 知時盈涸

道州望仙

門內有知時泉夏至則盈秋分則涸宋紹興間郡守辛公創亭

# 誰家女何處僧

方輿勝覽

昔有僧夜坐忽一女子過之僧叱之曰窻外誰家女此女即應曰堂中何處僧僧起逐之女投入地掘之得泉因名幽瀾泉在浙西嘉善東景德寺

# 蘆花泉

在楚之咸寧白望山下昔有白衣男子告邑人禱雨

處指蘆花為識即此

# 梅花泉

錢塘有泉湧地作梅花瓣若可掇拾云

# 吐泉

寰宇記安

豐軍咄泉在淨戒寺北人至泉旁大呼則大湧小呼則小湧

# 原水本水源

# 泉五

增詩唐劉長卿一公新泉詩曰東林一泉出復與遠公  
期淺石春流處空山暮落時夢閒歸細響慮澹對清漪  
動靜皆無意唯應道者知 李端山下泉詩曰碧水映  
丹霞濺濺露淺沙暗通山下草流出洞中花素色和雲  
落寒聲遶石斜明朝更尋去應到阮郎家 姚合僧院  
引泉詩曰泉眼高千丈山僧取得歸架空橫竹引鑿石  
透渠飛洗藥溪流濁澆花雨力微朝昏長遠看護惜似  
傳衣 章孝標方山寺松下泉詩曰石脉綻寒光松花

噴曉霜注瓶雲母滑漱齒茯苓香野客偷煎茗山僧惜  
淨牀三禪不要問孤月在中央 曹松商山夜聞泉詩  
曰瀉月聲不斷坐來心益閒無人知落處萬木冷空山  
遠憶雲容外幽疑石縫間那辭通曙聽明日度藍關

鄭谷石門山泉詩曰一脉清冷何所之縈沙漱蘚入僧  
池雲邊野客窮來處石上寒猿見落時聚沫遶殘雪  
在迸流穿樹墜花隨煙春雨晚閒吟去不復遠尋皇子  
陂 皇甫曾山下泉詩曰漾漾帶山光澄澄倒林影那



知石上喧却益山中靜 宋朱文公詠泉詩曰一水從

中來蕩滴如九折倏至走長蛇捷來翻素雪 曾鞏金

線泉詩曰玉甃常浮顥氣鮮金絲不定路南泉無風到

底塵埃盡界破冰綃一片天 明王弼遊趵突泉詩曰

濟南歷下多白泉白沙幾處涵風煙郭西趵突更神異

平地一朵白玉蓮浪花滾起千層雪此中疑是蛟龍穴

靈藏歲久變妖怪精氣上湧成涎沫餘波散漫淵復渟

溪風冷冽山雨青微霜初下雁秋浴落月漸低猿夜聽

窮源我欲溯川陸舊誌虛傳自王屋冥茫難測造化情  
聊寄泉亭漱寒玉 高啓寒泉詩曰遠絡叢峰間平流  
盤石上月照欲成潭風吹不生浪聲兼寒葉下色映秋  
苔漲野客照羸顏曾來倚筇杖 高棟山泉詩曰羣嶂  
橫秀氣飛流落雲中陰厓寫古雪月壑垂長虹洄注石  
鏡淨秋臨遙天空孤賞憶謝朓青山度松風 何景明  
玉泉詩曰行遊金口寺坐愛玉泉名雲去隨龍女風來  
動石鯨入宮朝太液穿苑象昆明却望天河水迢迢萬

古情 鄒緝玉泉垂虹詩曰碧嶂雲巖噴玉泉平流寧  
似瀑流懸遙看素練明秋壑却訝晴虹飲碧川飛沫拂  
林空翠溼跳波濺石碎珠圓傳聞絕頂芙蓉殿猶記明  
昌避暑年 王履鏡泉詩曰微漣不動見容成忘却蟬  
鳴與鳥鳴忽有小風輕颭過暗移清影上巖屏

原賦晉傅咸神泉賦曰余所居庭前有湧泉在夏則冷  
涉冬則溫溫則水物冬生冷則冰可以過每夏遊之不  
知歲之有暑耳惟茲神泉厥理難原在冬則溫既夏而

寒混混洋洋載清載瀾遂乃壇以文石樹之柳杞密葉  
雲覆重蔭蔽沍氣泠泠以含涼風肅肅而恒起于時朱  
明紀運旭日馳光鬱鬱隆暑赫赫太陽鹽玉體於素波  
身淒焉而自清不知天時之有暑忽謂繁霜之隕庭逮  
至旻秋既逝司寒騁節六合蕭條嚴風凜冽河洛輟流  
太陰凝結彼澹澹而含凍此灼灼而含熱綠竹猗猗荇  
藻青青是託斯茂是殖斯榮 增唐浩虛舟舒姑泉賦  
淨色含虛清輝皎如煙凝泪以香起苔爛斑而錦舒浦

水光搖似動橫波之末岸莎風靡如存鬢髮之餘想夫  
紈質已銷陰靈未謝濯衣彩於花晝洗鏡光於月夜冷  
泠不濁殊畫地而俄成滴滴無窮類拜井而潛化 吳  
筠廬山雲液泉賦曰坤元孕氣潛暢成泉冠五行之首  
為萬物之先爰有清泚出此山側處蒙險以難知猶井  
渫之不食我搜靈泌載披載登見其地僻至潔源深有  
恒凝寒不為之損暑雨不為之增乃考室以飲而樂在  
枕肱甘侔玄玉之膏滴乃雲華之液疚可蠲生可益引

充狎翫惟意所適懸之則素皎壅之則澄碧晝浮光以  
悠揚夜含響以淅瀝

增表張說奏慶山醴泉表曰臣所部萬年縣令鄭國忠  
稱縣界六月十四日有慶山醴泉出其山平地湧拔周  
回數里列置三峰齊高百仞山見之日天青如雲異雷  
雨之遷徙非崕岼之騫震樹木隆崇巍然蔥鬱阡陌如  
舊草樹不移驗益地之祥圖知太乙之靈化山南又有  
醴泉三道引注三池分流接潤連山對浦各深丈餘廣

百步味色甘潔特異常泉比僊漿於軒后均愈疾於漢  
代臣按孫氏瑞應圖曰慶山者德茂則生臣又按白虎  
通曰醴泉者義泉也可以養老常出於京師禮斗威儀  
曰人君乘土而王其政太平則醴泉湧潛潭巴曰君臣  
和德道度叶中則醴泉出臣竊以山為鎮國水實利人  
縣有萬年之名山得三仙之類此金契景福寶祚昌圖  
邦固不移之基君永無疆之壽自永昌之後迄於茲辰  
地寶屢昇神山再聳未若連巖結慶並泌疏甘羣瑞同

區二美齊舉高視今古曾無擬議信可以紀元立號薦  
廟登郊彰賁億齡愉衍萬宇

增銘唐魏徵九成宮醴泉銘曰上天之載無臭無聲萬  
類資始品物流形隨感變質應德效靈介焉如響赫赫  
明明雜遝景福歲蕤繁祉雲氏龍官龜圖鳳紀日含五  
色烏呈三趾頌不輟工筆無停史上善降祥上智斯悅  
流謙潤下潺湲皎潔萍旨醴甘冰凝鏡澈用之日新挹  
之無竭道隨時泰慶與泉流我后夕惕雖休弗休居崇



茅宇樂不般遊黃屋非貴天下為憂

溫泉一

原博物志云凡水源有石流黃其泉則溫或云神人所  
煖主療人疾 水經注云漁陽郡北有溫泉 述征記  
曰東萊郡出溫泉 臨川記云臨川縣出溫泉 安成  
記云宜陽南鄉出溫泉 梁州記云漢水南出溫泉  
又漢水記曰漢水有溫泉方圓數十步冬夏常沸湧望  
見白氣冲天能瘥百病 盛弘之荊州記曰新陽縣惠

澤中有溫泉冬月未至數里遙望白氣浮蒸如煙上下

采映狀若綺疏又有車輪雙轆形世傳昔有玉女乘車  
自投此泉今人時見女子姿儀光麗往來倏忽 又荆

州記云銀山縣出溫泉耒陽縣出溫泉 潯陽記云雞

籠山下出溫泉 吳郡錄曰始興有始興山山出溫泉

又曰零陵縣有溫泉 丹陽記曰江乘縣有湯山出

溫泉三所可以淪雞 江乘地記曰縣東南三十五里

有湯泉半冷半溫共同一壑謂之半湯泉 廣志曰溫

泉西者在新豐北者在廣平有美泉出溉種出穀香美

在汲郡 幽明錄云艾縣輔山出溫冷二泉 博物志

云不周雲川之水温如湯凡諸溫泉咸能療疾遠近歸之 增水經注曰溫水出太乙山其水沸湧如湯桂彥

達曰可治百病世清則病愈世濁則無驗 江乘地記

曰棗陽縣界有溫泉其下有田資以浸灌一年三熟

伏琛齊地記曰曲城東七里有溫水水如湯沸可療百病煮物無不熟也 潛確類書曰漂水西南水温有

香氣亦名香泉昭明太子嘗浴于此 又曰招遠縣城  
東二泉並出一寒一溫土人甃石為池而注之名曰新  
泉 又曰黃山東峰下有硃砂湯泉新可點茗春時即  
色微紅 又曰沔池縣有溫泉水發山北平地方周止  
數十步泉源沸湧冬夏湯湯望之則白氣浩然能已百  
病赴集者常以百數 又曰澄城溫泉其源有三竒川  
鴻瀉西注於洛漢武時穿以合於龍首渠 又曰安寧  
州有溫泉色如碧玉可鑒毫髮 又曰藍田西南有地

雪落即融唐時有異僧見之曰必溫泉也已而掘之果然凡病者浴之輒愈後有白魚之瑞神女屢降立玉女堂于泉側明皇賜名大興湯院

溫泉二

原辛氏三秦記云驪山湯舊說以三牲祭乃得入可以去疾消病俗云秦始皇與神女遊而忤其旨神女唾之則生瘡始皇怖謝神女為出溫泉而洗除後人因以為驗  
漢武帝故事云驪山湯初始皇砌石起宇至漢武

帝又加修飾焉 增明皇雜錄曰天寶六載更溫泉曰

華清

地理志

上于華清宮新廣一湯制度宏麗安祿山於

范陽以白玉石為魚龍鳧雁仍以石梁及石蓮花以獻

雕鐫巧妙殆非人工上大悅命陳於湯中仍以石梁橫

亘湯上而蓮花纔出水際上因幸華清宮至其所解衣

將入而魚龍鳧雁皆若奮鱗舉翼狀欲飛動上甚恐遽

命撤去而蓮花今猶存又嘗於宮中置長湯一十六所

嬪御之類浴焉環回甃以文石為銀樓谷船及白香水

船致于其中至檝棹皆飾以珠玉又於湯中壘琴瑟及  
沈香為山以狀瀛洲方丈唐史補曰安祿山入朝楊  
國忠兄弟姊妹延之新豐給玉石至湯泉將校皆賜浴  
溫泉三

原盪邪

流惡

魏都賦溫泉必涌而自浪華清盪邪而將老惡穢也

溫泉

暖溜

水經曰溫泉即溫泉下見唐高宗詩

靈液

神泉

文選據神泉而吐溜

如沸

若湯

周景式廬山記曰主簿山在胡郎廟南山下有溫泉穴口周圍一丈涌出如湯沸冬

夏恒熱

梁州記云漢水南有溫泉周圍數千步冬夏沸湧若湯其熱可熟鷄子未至二十里便望見白氣衝

天

爛鳥

游魚

郭緣生續述征記曰東萊郡有溫泉恒沸鳥墜輒爛始興記曰靈水源

有溫泉涌溜如沸時有細赤魚出游莫有獲者

溫谷

湯山

上見劉義恭詩下詳見前

愈疾

流穢

袁山松宜都山川記曰銀山縣有溫泉注大溪夏纔煖冬則大熱上常有霧氣

百病久疾入此水多愈下見張衡賦

潮泉

神井

張僧鑒潯陽記曰雞籠山下澗中有

數十處累石若有人功水常尺餘朝夕輒有湧泉溢出如潮水時刻不差朔望尤大號為潮泉常如沸湯下

見張衡賦序

蠲慝

攘寒

上見張衡賦江乘湯泉半溫半冷共同一壑張勃云冷水夏

濯可以清暑溫水冬浴可以攘寒

湯雞

淪卵

常璩華陽志曰斯臾入南山洞溫水穴冬

夏常熱其源可以湯雞豚下湯澡洗療宿疾王廙洛都賦曰雞頭溫水魯陽神泉不爨自沸熱若焦然爛毛



淪卯煮絹濯

鮮淪音藥

痊痂

保性

王廙洛都賦曰痿瘵痂痂浸之則痊功邁藥石敷著

不言下

暄波

灼水

上見劉義恭詩鄺道元水經注曰溫湯水出漁陽郡北

山溫溪即溫源也廢疾者

溫濤

炎液

上見曹植述行賦下見

不能澤以其過灼故也

劉義

分寒水

會冰泉

零陵縣記云縣有溫泉泉中有伏石分流其陰清水常寒

恭詩

其陽溫泉涌沸飛霧如煙雪霜無以敗其熱劉義慶

幽明錄曰艾縣輔山有溫冷二泉發源相去數尺熱泉

可煮雞豚冷泉常若冰雙

濯日月

飛煙霧

上見張衡賦

流數丈而合俱會於一溪

下見前分

增龍煖水

蟲疑冰

王建溫泉詩朝元門向山上起城繞青山

寒水注

龍煖水

王介甫溫泉詩

白礬徹

丹砂沈

周王褒溫湯碑

人游不附火蟲出亦疑冰

銘白礬上徹  
丹砂下沈

薄虎鬚 狀魚目

秦少游湯泉賦薄為虎鬚狀為魚目

丹井火

鑑池蓮

俱見熊鼎浴溫泉詩

秦皇餘石

漢帝舊陶

俱見庾信碑

榆莢同流

桃花俱下

見同上

熒惑蒞上

燭龍隱中

俱見秦少游游湯泉賦

焦源沸水

湯谷揚濤

並見周王

褒碑 色如碧玉

煙似綺疏

見前溫泉一中

繡谷春融

金

波月滿

熊鼎浴溫泉詩云云

華清駐老

天寶遺蹤

上見周王褒溫湯碑

下見熊鼎浴溫泉詩

衡賦褒銘

秦游蘇詠

漢張衡有溫泉賦周王褒作溫

湯碑銘 宋秦少游賦遊湯泉蘇東坡有惠州湯泉詩

原合水火之德澤浸萬

人 倍藥石之功 蠲除六疾 潔華清之流 豈同襍洛

救疴癢之疾 寧比浴沂

溫泉四

原湯泉 湯液 必彼溫泉 湧於地脉 溫源愈出

靈液徐清 增神女唾

秦皇事見溫泉二

三牲祭

見同上

壯秦麗漢

宋劉義恭詩秦都壯溫泉漢京麗湯泉

原萃士女

見張衡溫泉賦

邁藥石

見上注王廙賦

增溫濤若焚

見曹植述行賦

灑胃消腸興

羸起瘠

見庾信溫泉碑

煙青銅浦色 白鉛溪

見同上

立玉女

堂

見前藍田溫泉事

大興湯院

唐明皇賜名於藍田湯

半湯

即江乘縣半湯

泉見

長湯

唐明皇於宮中別置長湯一十六所以供嬪御浴

供奉兩湯

專供

前

明皇及貴妃浴見

蓮花湯

即華清宮中裝飾石蓮花於池上見前明皇雜錄

鄭嵎津陽門詩注

湯各別

王建宮詞宮前內裏湯各別

將校賜湯

見前唐史補

燬玉

池付一洗

見後朱子溫泉詩

此泉名不播

宋晁冲之詩不見汝海之南魯山左

亦有此泉名不播

說湯頭

征夫問路說湯頭見同上

瓦碧魚鱗合

階

青雁齒封

溜傾銀齒苔

波浸玉芙蓉

色流五雲

之漿味結三危之露

非醴泉而消疾

過神水之

蠲痼

溫泉五

原詩宋劉義恭溫泉詩曰秦都壯溫谷漢京麗湯泉炎  
德潛遠液暄波起茲源 北齊劉逖浴溫湯詩曰驪岫  
猶懷土新豐尚有家神井堪消癘溫泉足蕩邪紫苔生  
石岸黃沫擁金沙振衣殊未已翻能停使車 唐高宗  
過溫湯詩曰溫渚停仙蹕豐郊駐曉旌路曲迴輪影巖  
虛傳漏聲暖溜驚湍駛寒空碧霧輕林黃疎葉下野白

曙霜明眺聽良無已煙霞斷續生  
越王貞奉和過溫

湯詩曰鳳輦騰宸駕驪籞次乾遊  
坎德疏溫液山隈派  
暖流寒氛空外擁蒸氣沼中浮  
林凋帷影散雲斂蓋陰  
收霜郊暢元覽參差落景道  
王德貞奉和過湯泉詩

曰握圖開萬寓屬聖啓千年驪阜  
疏緹騎驚鴻映彩旃  
玉霜鳴鳳野金陣藻龍川祥煙聚  
危岫態水溢飛泉停  
興興睿覽還舉大風篇  
楊思元奉和過溫湯詩曰豐  
城觀漢迹溫谷幸秦餘地接幽王  
壘流分鄭國渠風威

肅文衛日彩鏡雕輿遠岫凝氛重寒叢對影踈迴瞻漢  
章闕佳氣滿宸居 鄭義真奉和過溫湯詩曰洛川方

駐蹕豐野暫停鑾湯泉恒獨湧溫谷豈知寒漏鼓依巖  
畔相風出樹端嶺煙遙聚草山月迫臨鞍日用誠多幸  
天文遂仰觀 增唐王建溫泉宮詩曰十月一日天子  
來青繩御路無塵埃宮前內裏湯各別每箇白玉芙蓉  
開朝元門向山上起城繞青山龍暖水夜開金殿看星  
河宮女知更月明裏武王得仙王母去山雞晝鳴宮中

樹溫泉泱泱出宮流宮使年年修玉樓禁兵去盡無射  
獵日西麋鹿登城頭梨園弟子偷曲譜頭白人間教歌  
舞 郭汭溫泉即事詩曰天仗星辰轉霜冬景氣和樹  
含溫液潤山入繚垣多丞相金錢賜平陽玉輦過接輿  
來自楚朝夕值行歌 又同崔員外湯泉即事詩曰輦  
輅移雙闕宸遊整六師天迴紫微座日轉羽林旗霜氣  
寒戈戟軍容壯武貌弓鳴射雁處泉暖躍龍時惠化成  
觀俗謳謠入賦詩同歡王道盛相與詠雍熙 宋朱子



溫湯詩曰連山西南來中斷還崛起干霄幾千仞據地

三百里飛峰上靈秀衆壑下清美逮茲勢力窮猶能出

奇偉誰燃丹黃燄爨此玉池水客來爭解帶萬劫付一

洗當年謝康樂絃絕今久矣水碧復流溫相思五湖裏

王安石溫泉詩曰寒泉詩所詠獨此沸如蒸一氣無

冬夏諸陽自廢興人遊不附火蟲出亦疑冰更隱驪山

下歎然雪滿塍明王格驪山溫泉詩曰咸闕無雕輦

驪山尚浴泉湯池同野壑水殿祗寒煙月冷新豐路沙

沈渭浦田行人漫投足誰識濯龍年  
熊鼎上巳日浴  
溫泉詩曰驪山宮殿鎖溫泉天寶遺踪故宛然繡谷春  
融丹井火金波月滿鑑池蓮玉顏承寵專恩澤翠輦來  
遊惜暮年我亦逢時修禊事白頭空負麗人天

原賦後漢張衡溫泉賦曰陽春之月百草萋萋余在遠  
行顧望有懷遂適驪山觀溫泉浴神井風中巒壯厥類  
之獨美思在化之所原感弘澤之普施乃為賦云覽中  
域之珍怪兮無斯水之神靈控湯谷於瀛洲兮濯日月

乎中營蔭高山之北埏處幽屏以閒清于是殊方跋涉  
駿奔來臻士女熠其鱗萃紛雜還其如煙亂曰天地之  
德莫若生兮帝育蒸民懿厥成兮六氣淫錯有疾癘兮  
溫泉汨焉以流穢兮蠲除苛慝服中正兮熙哉帝載保  
性命兮 魏曹植述行賦曰尋曲路之南隅觀秦政之  
驪墳哀黔首之罹毒酷始皇之為君濯余身於神井偉  
溫濤之若焚 增宋秦觀游湯泉賦曰大江之濱東城  
之野有泉出焉直回峰負深谷分埒引源迤邐相屬晨

夜有聲涵雲注玉薄為虎鬚狀為魚目鱗介莫潛遇者  
斯浴此何水也哉野老告余曰泓泓涓涓莫虞歲年不  
火而燠其名溫泉嗚呼豈非熒惑蒞於上耶燭龍隱於  
中耶旁通咸池日御之所經耶幽精沈魄陰償其負耶  
丹砂黃硫金石之氣酷悍之所激耶

原碑周王褒溫湯碑曰原夫二儀開闢雷風以之通響  
五材運行水火因而並用炎上作苦既麗純陽之德潤  
下作鹹且協凝陰之度至於遷陵熱谿沈魚涌浪炎州

燒地穴鼠含煙火井飛泉垂天遠扇焦源沸水衝流迸  
集甘州浴日跳波邁椒丘之野湯谷揚濤激水疾龍門  
之箭故以地伏流黃神泉愈疾云云其銘曰挺此溫谷  
驪岳之陰白礬上徹丹砂下沈華清駐老飛流瑩心谷  
神不死川德愈深 庚信溫湯碑曰咸池浴日先應綠  
甲之圖砥柱浮天始受元爨之命仁則滌蕩埃氛義則  
激揚清濁勇則負山餘力弱則鴻毛不勝仲春則榆莢  
同流三月則桃花共下其色變者流為五雲之漿其味

美者結為三危之露煙青於銅浦色白於鉛谿非神鼎  
而長沸異龍池而獨涌灑胃湔腸興羸起瘠秦皇餘石  
仍為雁齒之階漢武舊陶即用魚鱗之瓦山間水湧實  
表忠誠室內江流彌彰純孝豈若醴泉消疾聞乎建武  
之朝神水蠲痼在乎咸康之世嵩山三仙之館不孤擅  
於天池華陰百丈之泉豈獨高於蓮井

增記唐子西遊湯泉記曰忠州過水十餘里得白水又  
山行一里許得佛跡院院中湧二泉一冷泉一溫泉相

去步武間而東泉熱甚殆不可觸指西泉解之然後調適可浴

冰一

原說文云冰水堅也韓詩說曰冰者窮谷陰氣所聚不洩則結而為伏陰詩云二之日鑿冰冲冲三之日納于凌陰二之日夏之十二月三之日夏之正月

周以十一月為正二月

之日當夏正十二月也三之日當夏之正月

冲冲聲也凌陰冰室也十二月

之時天地大寒水化為冰鑿取堅冰至正月納藏于室

之中人君春夏祭祀及其常食卒有凶事則得以斂人  
臣無冰室其終卒君錫之以冰故左傳云日在北陸而  
藏冰西陸朝覲而出之其藏冰也深山窮谷涸陰沍寒

於是乎取之其出之也朝之祿位賓食喪祭於是乎用

之其藏之也黑牡秬黍以享司寒其出之也桃弧棘矢  
以除其災祭司寒而藏之獻羔而啓之火出而畢賦自

命夫命婦至於老疾無不受冰夫冰以風壯而以風出

其藏之也周

注周  
密也

其用之也徧

注徧及  
老疾也

則冬無愆陽夏



無伏陰人不天札是也 風俗通云積冰曰凌冰壯曰

凍冰流曰澌冰解曰泮 易坤卦曰初六履霜堅冰至

象曰履霜堅冰陰始凝也馴致其道至堅冰也 毛詩

曰誕寘之寒冰鳥覆翼之 禮記曰季冬天子命有司

冰方盛取而藏之 增又曰仲春之月天子乃獻羔開

冰先薦寢廟 周禮凌人掌冰正歲十有二月令斬冰

三其凌祭祀供冰鑑賓客供冰大喪供爨槃冰 家語

曰霜降而婦功成嫁娶者行焉冰泮而農桑起婚禮殺

於此 孝經援神契云高山之巔無樹深海之淵無冰

剛太燥柔太溫也 山海經云中極之淵深三百仞冰

夷都焉冰夷人面而身龍 原老子曰渙若冰將釋

楚辭曰冤兮歸來北方不可以止增冰戕戕飛雪千里

漢書曰晁錯上書曰夫胡貉之地積陰之處也木皮

三寸冰厚六尺 淮南子曰見一葉之落知歲之將暮

睹瓶中之冰而知天下之寒以近喻遠也 孫卿子曰

冰生於水而寒於水 論衡曰夫難一炬火爨一鑊水

終日不熱也倚一尺冰置庖廚中終夜不寒也何則微小之感不能動大也今鄒衍之歎不過如一炬尺冰而皇天巨大不徒鑊水庖廚也一夫仰歎天為降霜何天之易感霜之易降也 增京房易傳曰三月冰歲不成四月冰天下荒五月冰其國亡六月冰天下兵 西京雜記曰漢制以酒滴為書取其不冰以玉為硯亦取其不冰也 原魏子曰危殆之國治不益之民是猶薄冰當白日聚毛過猛火也 鄧析書曰明君之御民若乘

奔而無轡履冰而負重也 博物志曰削冰令圓舉以向日以艾承其影則有火出 東哲集曰吾聞薄冰凝池非登廟之寶零露垂林非綴冕之飾必將採素璧於層山探圓珠於重泉也 增陸機洛陽記曰冰室在宣揚門內恒有冰天子用賜王公衆官 戴延之西征記云凌雲臺有冰井延之以六月持去經日猶堅也 述征記云北土涉寒下雨勁風鼓之不得流便冰合合便厚數尺庾儵云余宅近南城有冰井方夏之月乃攜友

生登而遊從彷徨徘徊淒其以寒乃作冰井賦 酉陽  
雜俎曰千歲積冰結為玻璃 盧氏雜說曰薄餅卷厚  
冰以刀切入迎刃而解 撫言曰袁參上姚崇書曰昔  
蒯人為商賣冰於市客苦熱者將買之蒯人自以得時  
欲邀數倍之利客怒而去俄而其冰亦散今君坐青雲  
之中平衡天下士皆欲附此亦君賣冰之秋而士買冰  
之際也

冰二

原史記周紀曰姜嫄為帝嚳元妃出里見巨人跡而履之身動如孕朞而生子以為不祥棄於冰之上鳥以翼覆薦之 增晏子曰景公伐魯得東門無澤問曰魯年穀如何對曰陰不凝陽冰厚五寸者寒溫節也寒溫節則政平政平則年穀熟請禮魯以息怨 左傳曰楚子使薳子馮為令尹遂以疾辭方暑闕地下冰而牀焉重繭衣裘鮮食而寢 又曰春無冰梓慎曰今茲宋鄭其饑乎陰不勝陽也 原吳越春秋曰越王念吳欲復怨

非一旦也苦思勞心夜以接日冬寒則抱冰夏熱則握火愁心苦志懸膽於戶出入嘗之不絕於口 增列子

曰老子幼學於尹文先生能翻駁四時夏月造冰 原  
孫盛雜語曰王祥字休徵性至孝後母苛虐欲危害祥  
祥色養無怠盛寒之月後母曰吾思生魚于時河水冰  
堅祥脫衣將剖冰求之有少處冰解下有魚出因以奉  
養 增異苑曰石勒伐劉曜於洛陽從大河南濟時河  
凍將合軍至而冰自泮舟楫無闕遂生擒曜謂是神靈

之助 南燕錄曰慕容德正月渡黎陽津其夕流澌冰

合是夜濟師旦魏師至而冰泮鄴令韓軌言於德曰昔

光武渡滹沱冰澌自合今大王濟河天橋自成德廼大

悅 鶴林玉露曰南燕汝水不冰燕王慕容超惡之李

超對曰良由逼帶京城近日月也燕王大悅 北齊書

曰趙郡王叡為定州刺史監築長城于時六月定州先

常藏冰長史宋欽道以叡冒熱遣使倍道送冰叡對之

歎曰三軍皆飲溫水吾何義獨進寒冰遂至銷液竟不



一嘗兵人感悅 又曰文宣時周人常懼齊兵之西度

恒以冬月守河椎冰 天寶遺事曰冬至日大雪至午

雪霽寒結簷溜皆為冰條妃子使侍兒敲下二條看玩  
帝晚朝回問之曰所玩冰筋也帝謂左右曰妃子聰慧  
此象可愛也 唐書曰或勸進士張彖謁楊國忠彖曰

君輩倚楊右相如泰山吾當以為冰山耳遂隱居嵩山  
開元遺事曰王休居太白山下日與僧道異人往還  
每至冬時取溪冰敲其精瑩者煮建茗共賓客飲之

杜陽編曰順宗初拘弭國貢長堅冰其國有大凝山中  
有冰千年不釋乃賫至京師潔冷如故雖炎暑赫日不  
消 五行志曰穆宗長慶元年海州海水冰南北二百  
里東望無際 又曰景福中滄州城塹中冰有紋如畫  
有竹木牡丹車馬人物樓殿臺閣之狀時人以為地當  
有兵難近華孽也 酉陽雜俎曰李彥佐在滄景太和  
九年有詔召浮陽兵北渡黃河時冬十二月至濟南郡  
使擊冰延舟冰觸舟舟覆詔失李公驚懼乃令津吏不

得詔盡死吏懼且請公一祝於河李公乃令具爵祝河伯曰明天子在上川瀆咸秩河伯當衛天子詔何反溺之天將謫爾吏酌冰辭已忽有聲如震河冰中斷可三十丈吏沈釣索一釣而出封角如舊惟篆印微濕耳

唐史曰藍田縣歲貢冰常在冬杪如藍水不冰則主吏宣命以祭一夕而成冰周太祖乾祐中北征至澶州驛河冰已解浮橋難立衆憂之其夜西北風烈凝凍比旦津吏報冰堅可渡步騎踐冰而行衆謂之凌橋日夕

津吏報曰冰橋泮矣 郭忠恕傳曰窮冬即鑿河冰而  
浴其傍凌斯消釋人皆異之 大金國志曰金末河水  
凍成龜文又有花卉禽獸之狀巧過雕鏤時人謂之天  
畫

### 冰三

原始冰

未泮

月令孟冬之月水始  
冰 詩迨冰未泮

朝凝

時燠

寒冰

夜結亦曰朝凝  
羊冬無冰時燠也

狐聽

魚躍

述征記曰河水始  
合狐聽無聲方得

渡下

王祥事

獻羔

祭韭

獻羔而啓  
四之日祭韭

皚皚

戕戕

上見

思元賦  
下見楚詞

象玉 比珠

曹植七愆曰素冰象玉難可  
磨蕩結土成龍遭雨則傷

下見顧  
愷之賦

冬壯 春釋

禮記云孟冬之月地始凍仲冬  
之月冰益壯地始坼 淮南子

曰夫水向冬則凝而為冰迎春  
則釋而為水冰水易施乎前後

六尺

百丈

上見前  
東方

朔神異經曰北方有冰萬里厚百丈鼯鼠在  
冰下土中焉其毛長八尺可為褥却風寒

霜堅

風壯

詳見  
前

水複 泉洳

毛詩注曰冰盛水複則命取  
冰於山林 張衡思立賦曰

行積冰之皚皚  
清泉洳而不流

魚負 鳥覆

易通卦驗曰大雪魚負  
冰鄭玄注曰負冰上近

冰也

下詳前

履霜

積雪

上見前 楚辭曰桂棹兮蘭櫓  
斷冰兮積雪王逸注曰遭天盛

寒斲斲冰凍紛然  
如雪言已勤苦

夕飲 朝餐

莊子葉公語沈諸梁  
曰朝受命而夕飲冰

我其內熱歟 謝靈運苦寒行曰樵蘇無風  
飲鑿冰煮朝餐悲矣采薇唱苦哉有餘酸

增為樓

薦廟

三輔黃圖建章宮北積  
冰為樓 下見前冰一

敲筋

作糜

上見前  
冰二

魏武帝詩斧

冰持作糜

醒酒

煮茶

黃山谷詩饋婦初供醒酒  
冰 敲冰煮茶乃王休太

白山事

原后稷鳥

王祥魚

並見前

闔廬室

琅邪

井

越絕書曰吳閭門外郭中家者闔廬冰室 薛瑩漢  
書曰靈帝光和六年冬北海東萊琅邪井中冰厚丈

餘

河流漸

海結凌

薛瑩後漢書曰光武至薊上王  
郎使兵至上發薊晨夜馳驚至

下曲陽滹沱河導吏還言河流漸無船不可渡比至冰  
可乘帝遂得渡滹沱河 王隱晉書曰慕容皝上言正

月十二日征平郭遠海為冰  
結凌行海中三百餘里詳海

夏蟲疑

春魚上

莊子  
曰夏

蟲不可以語於冰者，篤於時也。曲士不可以語於道者，束於教也。孫綽《天台山賦》曰：「晒夏蟲之疑冰，整輕翼而思矯。」禮記曰：「立春之日，東風解凍，又五日蟄蟲始振，又五日魚上冰，風不解凍，號令不行，魚不上冰，兵甲不藏。」

# 北方鼠

## 東海蠶

上見百大注。王季年拾遺記曰：「東海員嶠山有冰蠶，長七寸。」

有鱗角，以霜雪覆之，始為繭，其色五采，織為文錦，入水不濡，投火不燎。

## 增姑射肌太

# 真淚

莊子藐姑射之山，有神人焉，肌膚若冰雪，遺事太真，初承恩召，與父母別，涕泣登車時，天寒。

淚結紅冰

## 貢長堅

## 持一半

上見冰二。李陵持一半冰，半音判一片也。

## 飲

# 月窟

## 詠玉壺

李白詠蘇武詩：「渴飲月窟冰。」鮑明遠詩：「清如玉壺冰。」

## 原夏頌

# 秋刷

## 藏周用徧

鄭玄《周禮注》曰：「暑氣盛，王以冰頒賜。」秋涼，冰不可用，以清除其室也。下。

詳前

三倍為防

二日乃鑿

上周禮 下幽風並見前冰一

食祿

之家

凌人之職

上左傳 下周禮並見前冰一

春治冰鑑

祭供

彛槃

鑑盛冰器也 彛槃亦器也喪事供彛槃冰所以寒尸置牀也

老病必受

喪

祭亦霑

冰室春開

玉壺夏薦

取順沍寒

用資

清暑

雅協幽詩

未乖周禮

增千年不釋

拘彌國所貢

六月猶堅

凌雲臺所藏

厚賜汝南

亟輸趙郡

八王故事汝南

王莽詔賜冰五斛

下

琢山避暑

似畫名天

開元遺事

楊氏子弟至三伏中取大冰成山宴客客有寒色

天畫見前金國志

白取不償

宋



招難返

止戈集長安冰至夏月其價等金餅惟白少傳詩名甚重論筐取之不償價下見前楚詞

原慮蟲疑之時不可闕也及狐聽之日于以藏之

致夏蟲之疑闕而為罪遇時煥之變責則難加

冰四

原寒

易曰乾為寒為冰

履薄

詩如履薄冰

涉春

書如涉春冰

東風

解開冰

開薦

皆月令見前冰一

增木冰

左傳成公十六年雨木冰

原四時不害

謂冬無愆陽夏無伏陰春無淒風秋無苦雨見左傳

棄而不用

傳云

今藏川池之水棄而不用言不取於山谷又頒用之餘則棄之

藏而無災

詳上

山人

乃取

縣人傳之興人納之隸人藏之山人謂虞官也

七月卒章

藏冰之道也幽風詩

藏冰

喪浴

皆左傳見前

以凝之水

周禮水有時以凝有

頌冰

凌人是掌

皆周禮見前

增木介

五行志長老名木冰為木介介者兵象也

原

琢

文子曰巧冶不能銷木良匠不能琢冰

鏤

鹽鐵論畫脂鏤冰費日損工

積水成

增冰為積

不治之冰

海賦陽冰不治

投丸陷

後漢青州刺史焦和召治

戎列巫史崇禱又恐賊乘冰過多作陷冰丸投河衆賊遂潰

增椎冰人

魏太祖使人椎渠水

冰以通船謂

冰清

世說婦翁冰清謂樂廣也

原守河椎

北齊文宣時周

人懼齊人西渡

清

鮑明遠詩清如玉壺冰

涸洳

凝也

淋漓

洋也

常守河椎冰

納於凌室 采於山陰 當栗烈之辰 入沍寒之

室

文選

增玉井冰

杜詩敢望君王玉井冰

酒冰

黃山谷詩風力欲冰酒

挺銀竹

黃山谷詩雪後排簷挺銀竹

冰才

性理正蒙海水凝則冰浮則漚然冰之才漚之

性海不得而與焉

冰壺

性理張子曰李愿中如冰壺秋月瑩徹無瑕非吾曹所及

冰人

孟蜀時潘正連以財結權要或戒之乃曰非是求援不欲以冷語冰人耳見小史

冰五

原詩梁沈君攸詠冰應教詩曰日華照冰彩灼爍自相明陰潭欲半解陽岸已全輕未釋苔文隱將銷草氣生

稍得觀魚上非獨見狐驚倘逢魏后術當驗可為城

唐富嘉謨明冰篇曰北陸蒼茫河海凝南山闌干晝夜  
冰素彩莪莪明月升深山窮谷不自見安知採斲備嘉  
薦陰房涸沍掩寒扇陽春二月朝始暎春光潭沲度千  
門明冰時出御至尊彤庭赫赫九儀備腰玉煌煌千官  
事明冰畢賦周在位憶昨沙朔寒風漲崑崙長河冰始  
壯漫汗陵崙積亭障邕邕鳴雁江上來禁苑池臺冰始  
開搖春涵綠映樓臺幽歌七月王風始明冰藏用昭物

軌四時不忒千萬祀 增宋孔武仲食冰詩曰冬冰冽

冽雖可畏夏冰皎皎人共喜休論中使押金盤荷葉裏

來深宮裏胸煩肺涸聊一蘇任爾青蠅相趣死經時不

壞已可憐濟物之功尚如此人言霜雪比小人我謂堅

冰似君子 楊廷秀敲冰詩曰穉子金盆照曉冰彩絲

穿取當銀鉦敲成玉磬林中響忽作玻璃碎地聲 程

伯淳食冰詩曰車倦人煩渴思長巖中冰片玉成方老

仙笑我塵勞久乞與雲膏洗俗腸 明楊基詠冰詩曰

凌室啓深藏殊恩賜上方壺清迷練色甌薄耀寒光當  
座人俱素登筵體共涼瑩含銀液潔甘薦蜜脾香淺碧  
迎歌扇微紅映舞裳明愁難作鑑堅恐易成漿瑞擬金  
窻雪勲高玉井霜屏慙雲母熱簾咤水晶長醉客狂思  
踏詞臣渴願嘗陳王方避暑突兀殿中央

原賦晉顧愷之冰賦曰激厲風而貞質仰和景而融暉  
清流離之光徹邈雲英之巍巍爾乃連綿絡幕乍結乍  
無翕然靈化得漸已麤絢白隨川方圓隨渠義剛有折

照壺則虛託形超象比朗玄珠一綜理而常全經百合而彌切轉若驚電照若澄月積如累空泮若墮節臨堅投輕應變縷裂瓊碎星流精練清越若乃上結薄映下鏡長泉靈葩隨流含馨揚鮮 庾儵冰井賦曰嘉陰陽之博施美天地之廣宣萬物雜而無越不易類以相干或專陽負暑或涸陰沍寒塗雖殊而同歸信協德而俱延於是孟冬之月羣陰畢升霜雪紛其交淪流波結而成凌啓南墉之重隩將却熱以藏冰山人是取縣人是

承納遠宮之邃宇靜幽澹以清激抱堅精之元素發川  
靈而長凝於是寒往暑來四時代序帝將攘患災災是  
禦爾乃携我同類援我烝徒將涉寒藪害氣是除攀靈  
輿而增舉爰自託於城隅仰瞻重構俯臨陰穴淒清驚  
冷飈發栗烈餘寒嚴悴淒若霜雪乃命有司啓彼潛戶  
寒風慘悴此焉清暑格炎靈之恣睢兮摧盛陽之暴怒  
弭和春之淒風兮遏溫夏之苦雨保百姓之艱難兮俾  
羣生之寧處及至股肱或虧卿士殞喪寧神扇暑肅厲



清涼用處凶禮無失典常美厚德之兼愛兮乃惠存以

及亡 增唐陸環水始冰賦曰潤下之性有時可凝暑

歸寒集陽閉陰升吹寒風之遠派感凍雨而成冰俾巨

海以息浪胡涓波之足徵北陸陰涸寒泉井列天吳外

搏靈胥自潔含貞抱虛既瑩且澈斷流而稜稜劒威照

日而片片霜切駁坳曲陵湫穴蒼山甕石大冶流鐵圓

光而蚌珠可掬朝涉而馬蹄可折既否隔於風雲亦祕

藏於魚鼈 又冰賦陰氣盛陽晶滅殺氣鴻洞嚴飈栗

烈當此時也何水不凝何潭不結瞻山則萬壑俱閉歸  
海則百川潛泄諒造化之自然羗難得而備說佳其空  
冷愈堅風淒益壯汗漫稜層委積亭嶂交河則戰士加  
守合浦乃漁人迷望況乎天道無私所應多姿雲禽下  
覆彰后稷之聖德泉魚出躍表王祥之孝思然而題周  
官順時令皎皎雪聚皚皚山淨盤重澗而疑壁瀉圓池  
而若鏡與海鏡而混輝將玉壺而相映 侯喜玉壺冰  
賦曰若其稟性溫如作器含虛正色則惟珍是務立操

則匪貞不居爾乃嚴氣凝元陰作寒飈一振具物寥索  
川晶晶以凌滿林稍稍而木落日既暮兮金閨寂夜一  
寒兮玉壺陳素冰滿腹清光照人臨象筵而色媚入金  
鏡而影新對之者暢慮觀之者清神能勵貪夫何假盤  
盂之戒有同儒士長為席上之珍 張皓藏冰賦曰國

之造物時惟用天履在歲之窮紀知增冰之腹堅可以  
備用凌人主焉羞秬黍以為薦率司寒而是先於是入  
坎宮踰崢嶸乍逼側以徑險復趙趙而不征爽氣旁達

凝陰上清始莪莪而不見遽冲冲而有聲是伐是取登  
乎上京候朝風而益壯對夜月而俱明崇凌既啓陰井  
方滌含聲色而轉深拂霜威而逾潔不廟不廟如磋如  
切掩下方以涸沍匪上騰之發泄 王起開冰賦曰木  
德司辰條風報春物惟求舊令乃謀新有頒冰之職有  
伐冰之臣安得深藏於重壤自當登御於一人有司奉  
明詔薦清廟啓其空觀其微連鉤既下不作冲冲之聲  
厚土忽開已發莪莪之照獻羔之禮既宣祭韭之義克

全將使陰不伏陽不愆詎有東風之解莫移北陸之堅  
皎潔兮玉壺乍奪清瑩兮金鏡爭鮮鑒乎其中雖臨深  
而履薄積于其外終岳峙而峰連此輿人之所納縣人  
之所傳乃被以桃弧升於蘭殿凌陰去而寒盡御座來  
而春變其為利也溥其為用也徧羣寮是錫足以表鴻  
恩百祀方修足以成嘉薦

原啓梁沈約謝敕賜冰啓曰竊惟司寒輟響眇自前代  
凌室曠官歷茲永久聖功闡物逸典備甄窮深既採園

池靡用有籍羔秬無災霜電

增狀唐白居易謝賜冰狀曰伏以頒冰之儀朝廷盛典  
以其非常之物用表特異之恩况春羔之薦時始因風  
出當夏蟲之疑日忽自天來煩暑迎銷清飈隨至受此  
殊賜臣何以堪欣駭慙惶若無所措但飲之慄慄常傾  
受命之心捧之兢兢永懷履薄之戒以斯惕勵用答皇  
恩謹奉狀陳謝以聞

增判裴幼卿藏冰不固判曰歲紀星迴時遵月令啓凌

陰之室享司寒之神山人縣人即分官而有典北陸西  
陸將候日以無差乃採沍寒必於窮谷豈可未終見覲  
遽此晞陽望朝覲而未開與隆冬而共盡主司先標尺  
樣輸納當有程期豈三令之莫申何一言之匪効既乖  
守職詎可逃刑

御定淵鑑類函卷三十一